

# Mae'r cyhoeddiad hwn wedi cael ei dynnu

**Mae'r cyhoeddiad hwn wedi cael ei dynnu.**

Nid yw'r cyhoeddiad hwn bellach yn gyfredol.



Adran Gwaith  
a Phensiynau



Mae'r daflen hon yn cynnwys gwybodaeth a ddewiswyd o **www.gov.uk** ar 9 Ebrill 2018. Mae'r wybodaeth ddiweddaraf bob amser ar gael ar-lein. Mae'r daflen hon ar gyfer cyfarwyddyd yn unig ac ni ddylid dibynnu arno fel datganiad llawn o'r gyfraith yn y maes hwn.



## Cynnwys

Arolwg	3
Beth fyddwch yn ei gael	3
Cymhwyster	4
Sut i wneud cais	6

Argraffwyd gan yr Adran  
Gwaith a Phensiynau gan  
ddefnyddio'r testun a  
gymerwyd o [www.gov.uk](http://www.gov.uk)  
ar 9 Ebrill 2018.

© Hawlfraint y Goron

ISBN 978-1-78659-035-0

**DWP10W** (Mai 2018)



## Codau QR

Dyma godau bar sgwâr sy'n agor  
gwefan benodol, gan arbed i chi deipio  
cyfeiriadau gwe hir.

Gallwch gael ap am ddim i sganio codau  
QR ar y rhan fwyaf o ffonau clyfar.



## Arolwg

[www.gov.uk/attendance-allowance](http://www.gov.uk/attendance-allowance)

Mae Lwfans Gweini yn helpu gyda chostau ychwanegol os oes gennych anabledd sy'n ddigon difrifol eich bod angen rhywun i helpu gofalu amdanoch.

Telir ar 2 gyfradd wahanol ac mae faint y byddwch yn ei gael yn dibynnu ar lefel y gofal sydd ei angen oherwydd eich anabledd.

Gallech gael £57.30 neu £85.60 yr wythnos i helpu gyda chymorth personol os bod gan y ddau ohonoch:

- anabledd corfforol neu feddyliol
- yn 65 oed neu hŷn

Nid yw'n cwmpasu anghenion symudedd.

Gall y budd-daliadau eraill a gewch gynyddu os ydych yn cael Lwfans Gweini.

Nid oes yn rhaid cael rhywun i ofalu amdanoch i wneud cais.

Os oes gennych ofalwr, gallent gael Lwfans Gofalwr os oes gennych anghenion gofalu sylweddol.



## Beth fyddwch yn ei gael

[www.gov.uk/attendance-allowance/what-youll-get](http://www.gov.uk/attendance-allowance/what-youll-get)

Caiff Lwfans Gweini ei dalu'n wythnosol ar 2 gyfradd wahanol – mae'r un y byddwch yn ei gael yn dibynnu ar lefel y cymorth sydd ei angen arnoch.

### Cyfraddau Lwfans Gweini

#### Cyfradd

#### Lefel y cymorth sydd ei angen arnoch

Cyfradd is - £57.30      Help aml neu oruchwyliaeth gyson yn ystod y dydd, neu oruchwyliaeth yn ystod y nos

Cyfradd uwch - £85.60      Help neu oruchwyliaeth yn ystod y dydd a'r nos, neu os oes gennych salwch terfynol

Gallech gael Credyd Pensiwn, Budd-dal Tai neu Ostyngiad yn eich Treth Cyngor ychwanegol os ydych yn cael Lwfans Gweini - holwch y llinell gymorth neu'r swyddfa sy'n delio â'ch budd-dal.

### **Sut y cewch eich talu**

Mae pob budd-dal, pensiwn a lwfans yn cael ei dalu i mewn i gyfrif, e.e. eich cyfrif banc.

### **Newid mewn amgylchiadau**

Gall eich amgylchiadau effeithio ar faint a gewch, e.e. symud rhwng y cyfraddau is ac uwch. Mae'n rhaid i chi gysylltu â'r llinell gymorth Lwfans Gweini os bydd eich amgylchiadau'n newid. Er enghraifft:

- y lefel o gymorth sydd ei angen arnoch neu bydd eich cyflwr yn newid
- byddwch yn mynd i mewn i'r ysbyty neu gartref gofal am fwy na 4 wythnos
- byddwch yn mynd dramor am fwy na 13 wythnos
- cewch eich carcharu neu'ch cadw yn y ddalfa

Rhaid i chi hefyd gysylltu â'r llinell gymorth os:

- byddwch yn newid eich enw, cyfeiriad neu fanylion banc
- byddwch am roi'r gorau i gael eich budd-dal
- bydd manylion eich meddyg yn newid

Gallech gael cosb sifil o £50 a gorfod ad-dalu budd-daliadau a ordalwyd os nad ydych yn rhoi gwybod am newidiadau a chewch eich gordalu o ganlyniad.

### **Llinell gymorth Lwfans Gweini**

Ffon: **0800 731 0122**

Ffon testun: **0800 731 0317**

Dydd Llun i ddydd Gwener, 8am i 6pm

Cewch ragor o wybodaeth am gostau galwadau yn [www.gov.uk/call-charges](http://www.gov.uk/call-charges)



## Cymhwyster

[www.gov.uk/attendance-allowance/eligibility](http://www.gov.uk/attendance-allowance/eligibility)

Gallwch gael Lwfans Gweini os ydych yn 65 oed neu'n hŷn ac mae'r canlynol yn berthnasol:

- mae gennych anabledd corfforol (gan gynnwys anabledd synhwyraidd, e.e. dallineb), anabledd meddyliol (gan gynnwys anawsterau dysgu), neu'r ddau.
- mae eich anabledd yn ddigon difrifol i chi angen help ofalu am eich hun neu rywun i'ch goruchwyllo, ar gyfer diogelwch eich hun neu rywun arall
- roedd angen y cymorth hwnnw arnoch am o leiaf 6 mis (oni bai eich bod yn derfynol wael)

### Amodau

Mae'n rhaid i chi hefyd:

- bod ym Mhrydain Fawr pan fyddwch yn hawlio - mae rhai eithriadau, e.e. aelodau ac aelodau teulu'r Lluoedd Arfog
- wedi bod ym Mhrydain Fawr am o leiaf 2 o'r 3 blynedd diwethaf
- bod yn preswyllo fel arfer yn y Deyrnas Unedig, Iwerddon, Ynys Manaw neu Ynysoedd y Sianel
- peidio â bod yn ddarostyngedig i reolaeth mewnfudo (oni bai eich bod yn fewnfudwr noddedig)

Mae rhai eithriadau i'r amodau hyn os ydych yn byw mewn gwlad yr Ardal Economaidd Ewropeaidd arall neu'r Swistir.

## Asesiadau

Efallai y byddwch yn cael llythyr yn dweud bod angen i chi fynd i asesiad i weld a ydych yn gymwys. Bydd y llythyr yn esbonio pam a ble mae'n rhaid i chi fynd.

Yn yr asesiad, gofynnir i chi brofi pwy ydych chi. Gallwch ddefnyddio pasbort neu unrhyw 3 o'r canlynol:

- tystysgrif geni
- trwydded yrru lawn
- polisi yswiriant bywyd
- cyfriflenni banc

Ni allwch gael Lwfans Gweini os ydych eisoes yn cael Lwfans Byw i'r Anabl (DLA) neu Daliad Annibyniaeth Personol (PIP).



## Sut i wneud cais

[www.gov.uk/attendance-allowance/how-to-claim](http://www.gov.uk/attendance-allowance/how-to-claim)

Defnyddiwch y ffurflen AA1AW i wneud cais am Lwfans Gweini drwy'r post. Lawrlwythwch ffurflen yn [www.gov.uk/attendance-allowance/how-to-claim](http://www.gov.uk/attendance-allowance/how-to-claim)

Mae'r ffurflen yn cynnwys nodiadau sy'n dweud wrthyhych sut i'w llenwi.

Gallwch hefyd gael y copi o'r ffurflen o'r llinell gymorth Lwfans Gweini.

### Llinell gymorth Lwfans Gweini

Ffon: 0800 731 0122

Ffon testun: 0800 731 0317

Dydd Llun i ddydd Gwener, 8am i 6pm

Cewch ragor o wybodaeth am gostau galwadau yn [www.gov.uk/call-charges](http://www.gov.uk/call-charges)

## Ôl-ddyddio'ch cais

Gall Lwfans Gweini gael ei ôl-ddyddio i ddyddiad eich cais. Fel arfer, dyma'r dyddiad y bydd eich ffurflen yn cael ei dderbyn neu'r dyddiad y byddwch yn ffonio'r llinell ymholiadau (os byddwch yn dychwelyd y pecyn cais o fewn 6 wythnos).

Efallai y byddwch angen asesiad meddygol i gwblhau eich cais. Nid yw Lwfans Gweini yn cwmpasu anghenion symudedd.

### **Rheolau arbennig - os oes gennych salwch terfynol**

Mae 'rheolau arbennig' er mwyn i chi gael Lwfans Gweini yn gyflymach os nid oes disgwyl i chi fyw am fwy na 6 mis. Rhaid i chi:

- cwblhau ffurflen Lwfans Gweini
- cynnwys adroddiad cyflwr meddygol DS1500W neu'i anfon wedi hynny - mae'r rhain yn rhad ac am ddim a gallwch ond ei gael gan feddyg teulu, arbenigwr neu ymgynghorydd

Gallwch wneud hyn ar ran rhywun arall heb eu caniatad. Ni fydd y llythyr am yr arian a ddyfernir yn son am 'rheolau arbennig'.

### **Os ydych yn anghytuno gyda phenderfyniad**

Gallwch herio penderfyniad am eich cais. Gelwir hwn yn gofyn am ailystyriaeth orfodol.

### **Cwynion**

Gallwch gwyno gyda'r Adran Gwaith a Phensiynau os ydych yn anhapus gyda'r gwasanaeth yr ydych wedi'i gael.



